

王旭高先生

臨證醫案

光緒戊戌琴川方

氏刻於倚雲吟館

重刊王旭高醫案序言

此案爲王旭高先生遺着先生名泰林字旭高江蘇無錫縣人醫學淵源得舅氏衣鉢舅氏高姓字錦亭同縣人專以瘍醫聞名煊耀江浙曾著外科心得集景岳方歌括等書行世旭高先生傳其業始爲瘍醫幾與舅氏齊名然先生好讀書鑽研故訓上自軒岐越人倉公長沙以及歷代諸家無不精心貫串得其奧義自後求治者內科逾於外科方案日多散軼病家雖一鱗一爪具有真學識好此者集而藏焉迨至光緒二十三年虞山方氏徵得四卷分門二十六按語編次付梓行世又二十六年江陰柳氏刻於

醫學叢書今許君念遠深慨錫邑名醫案爲鄰邑採刊殊
爲缺典且先生所著西溪夜話錄醫方歌括串解均未梓
行漸至湮沒所存者僅此醫案數卷而已然卽此數卷而
考其辨症之精處方之妙洵足爲治病之圭臬讀書之手
眼臨證披覽豈曰小補云爾哉許君有志重刊意甚盛也
余故樂序數言於篇首云

民國廿三年夏六月

後學張樹棠硯芬甫揮汗識於蘭言小室

王旭高臨證醫案序

臨證醫案非古也古人視病不立案語但書方藥自宋設醫學科命題考試醫生取其學問高等者入太醫局自後醫生診病相沿先立案語後書方藥但隨作隨棄無有輯之者如宋之許知可張季明明之薛立齋陳維宜孫文垣以及國初喻嘉言徐大椿輩雖有醫案類皆因治療效驗筆諸於書其文乃記事非臨證也良以病多轉變方難一定恐坳學者眼目故作者翫置之然余謂醫之有方案猶名法家之有例案文章家之有試牘對病書方因題立義相對斯須人之性命係焉已之得失亦係焉雖不足爲

根柢之學而病者之情形醫者之學識心思盡在於是苟能溯其脈證觀其變化奚啻與病者醫者一堂共語不大可觸發手眼哉故葉氏臨證指南海內風行然葉案語意高深方多平淡學者踐其迹未必入其室因葉負一時重名所視者非富貴膏粱卽病深氣竭貧賤初病者寥寥焉蓋氣體不同方法卽異讀其書而得其用者鮮矣余舊得無錫王泰林旭高先生方案二卷愛而藏之以篇頁無多未梓更求二十餘年不可得客春游梁溪訪老友劉君石香石香出十卷示余云新得於李氏者亟假歸讀之其心思之敏見識之超清華而不高深靈變而有矩矱視葉案

易於學步且覆診甚多前後推究考其得失尤足以資助
學者因并余所藏者去其重複合而選之間有字句冗沓
率意處略爲刪整依類編次分二十六門每門附以拙論
畧見大意其有精警與未愜意者復隨案指出正之有道
非敢有意毀譽也原書十卷約得五六釐爲四卷命兒輩
錄出不敢自私付之梓人以公同學焉

光緒二十三年丁酉孟春耕霞方氏序於倚雲吟館

此條... 平... 已... 管... 傳... 或... 以... 似... 其... 實... 而...

此川... 平... 已... 管... 傳... 或... 以... 似... 其... 實... 而...

此條... 平... 已... 管... 傳... 或... 以... 似... 其... 實... 而...

此條... 平... 已... 管... 傳... 或... 以... 似... 其... 實... 而...

此條... 平... 已... 管... 傳... 或... 以... 似... 其... 實... 而...

此條... 平... 已... 管... 傳... 或... 以... 似... 其... 實... 而...

此條... 平... 已... 管... 傳... 或... 以... 似... 其... 實... 而...

王旭高臨證醫案目錄

卷之一

溫邪

暑邪

伏邪

瘧疾

痢疾

黃疸

卷之二

類中風

肝風

虛勞

吐血

腫脹

卷之三

積聚

蟲積附

腕痛

噎隔

三消

痰飲

痰喘

卷之四

欬嗽

疝氣

遺精淋濁

瘰癧

雜病

婦人

產後

幼科

外瘍

王氏醫案

無錫王旭高著

後學方仁淵耕霞叅訂

姪履成吉卿

子應麟孟祥校刊

溫邪門

某久患三瘡未愈勞力更感風溫而發時證及今八日壯熱煩躁汗不能出疹不能透熱鬱蒸痰神糊嚔語兩脇疼痛難以轉側胸悶氣粗動則欲厥所以然者邪熱與痰傷混合痰濁與氣血交阻莫能分解以致擾亂神明漸有昏喘之險

豆豉 五錢 蘇梗 一錢 鬱金 一錢 赤茯神 三錢 連喬 三錢

丹皮 錢半 當歸 三錢 杏仁 三錢 天竺黃 錢半 木通 一錢

猩絳 七分 菖蒲 五分 青蔥 枇杷葉

淵按鬱金杏仁解氣鬱當歸葱猩解血鬱豆豉蘇梗
從裡達表尤宜佐黃芩鮮地等以解熱鬱否則熱不
解而諸鬱亦不開熱蒸痰阻陷入胞絡易易

宋 濕溫過候癰疹並見心胸煩懊神識模糊脉數混混
而不清舌心苔乾而不膩濕蘊化熱熱漸化燥氣粗短促
目赤耳聾陰精下虧風陽上亢慮其內陷昏痙擬生津達
邪兼芳香逐穢

鮮斛 淡豆豉

竹茹 連喬

橘紅

赤苓 天竺黃

黑梔 菖蒲

鬱金

羚羊 陳胆星

牛黃清心丸 五分

加犀黃 三釐

又 濕溫邪在太陰陽明濕勝於熱太陰爲多熱勝於濕
陽明爲甚日晡煩躁陽明旺時也口雖渴苔仍白膩乃濕
蘊化熱餘濕猶滯氣火薰蒸蒙蔽清竅故癡疹雖透而神
識時糊脈沉小而數疾皆邪鬱不達之象倘若熱甚風動
變勁便難措手

半夏 赤苓

鮮斛

連喬

川連 姜汁炒

菖蒲 通草

豆豉

鬱金

益元散

竹茹 茅根 黑梔

淵按宜參涼膈散緩緩通下不致下文化燥內陷耳
蓋濕溫雖不可早下而熱勝挾滯者不下則熱邪挾
滯不去濕邪亦從熱化燥化火也

又 濕溫旬日脉數較大於昨熱勢較盛於前所謂數則
煩心大爲病進並非陰轉爲陽自內達外之象舌苔白厚
上罩微灰面紅目赤陽盛之徵頭昏耳聾陰虛之象小溲
窒塞氣化不及也當生津以徹熱利竅以化濕救陰不在
腎而在生胃津去濕不可燥而在通小便蓋汗生於津津
充汗出而熱解小腸爲心之府小便通利心火降而神清

羚羊角

赤苓

菖蒲

竹黃

澤瀉

益元散

知母

鮮斛

通草

竹葉

鮮薄荷根

另用珠子五分血珀五分爲末調服

淵按名言儻論勿草草讀過

又濕熱鬱蒸如煙如霧神識沉迷脉時躁時靜靜則神

倦若寐躁則起坐如狂邪內陷矣雖便不通而腹鳴不滿

腸胃不實其糞必溏未可驟攻下之大凡溫邪時症驗舌

爲先今尖苔白上罩微霍邪在營氣之交葉氏云邪乍入

營猶可透熱仍轉氣分而解如犀羚元翹等是也從此立

方參以芳香宣竅

犀角

羚羊角

鮮斛

竺黃

元參

連翹

益元散

赤苓

竹茹

至寶丹

一粒

又前方加鮮地爪婁仁枳實

又舌黑而乾濕已化燥頻轉屎氣腕腹按痛邪聚陽明

腸胃已實當商通腑但小便自遺腎氣虛也正虛邪實津

枯火熾惟有瀉南補北勉進黃龍湯法

鮮地

人參

生軍

元參

元明粉

菖蒲

竺黃

連翹

竹叶

甘蔗汁

代水煎藥

淵按蔗汁生飲最妙代水煎藥不但膩膈且失涼潤

之性矣